

Así mesmo, de conformidade co que se establece no apartado 14 do Acordo da Xunta de Goberno citado, unha vez finalizado o curso, para que se aboe a axuda económica proposta, o solicitante deberá presentar unha Memoria sobre o seu desenvolvemento e conclusións obtidas, debendo xustificar, igualmente, con suxeición á normativa establecida, a asistencia, co correspondente certificado ou diploma e o gasto de inscrición, nos termos e condicións establecidas no Real Decreto 462/2002 do 24 de maio.

12.17410.- APROBACIÓN DO CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DE MOS PARA A INSTALACIÓN DE HERBA ARTIFICIAL, EXECUCIÓN DO PROXECTO DE VESTIARIOS E GRADAS NO CAMPO DE FÚTBOL DE “A VEIGADAÑA”

A Deputación de Pontevedra coa finalidade de fomentar e facilitar o deporte de base, pretende mellorar e ampliar as infraestruturas deportivas da provincia, instalando para iso campos de herba artificial en diversos concellos, o que procurará un mellor servizo ós cidadáns xa que esta superficie permite un maior uso e aproveitamento, así como un menor custo no mantemento.

Considerando que os convenios entre as Administracións Públicas constitúen o instrumento axeitado para desenvolver a cooperación en cuestións de interese común, tal e como establecen o art. 6 e seguintes da Lei 30/92, do 26 de novembro, do Réxime Xurídico das Administracións Públicas e do Procedemento Administrativo Común, preténdese subscribir un Convenio de colaboración entre a Deputación de Pontevedra e o Concello de Mos para a instalación dun campo de fútbol de herba artificial.

O Sr. Secretario da Corporación informa, o mencionado convenio de colaboración.

Por Intervención infórmase que a cantidade á que ascende o convenio financíase con cargo á partida 09/123.452.662.09.2008, estando en fase de gasto comprometido a adxudicación do contrato de execución da obra dos campos de herba sintética.

Respecto ó proxecto de execución dos vestiarios e bancadas, a cantidade da Deputación, que ascende á cantidade de 200.000,00 €, serán financiados con cargo á partida 09/911.911.662.09, sendo aprobada polo pleno do día 11 de setembro unha subvención nominativa para esta fin.

Vistos así mesmo, os Informes emitidos polo Sr. Secretario e Interventor, respectivamente, a Xunta de Goberno acorda por unanimidade:

Aprobar o convenio de colaboración entre a Deputación Provincial de Pontevedra e o Concello de Mos para a instalación de herba artificial no campo de fútbol de “A Veigadaña”.

Este acordo quedará condicionado á remisión da documentación correspondente por parte do concello.

Así mesmo, lle faculta ó Presidente da Deputación para a formalización do convenio mediante a súa sinatura.

Dito Convenio é como segue:

“CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DE MOS PARA A INSTALACIÓN DE HERBA ARTIFICIAL, EXECUCIÓN DO PROXECTO DE VESTIARIOS E GRADAS NO CAMPO DE FÚTBOL DE “A VEIGADAÑA”

En Mos, a .... de ..... de 2009

#### REUNIDOS

O Ilmo. Sr. D. Rafael Louzán Abal, na súa condición de Presidente da Deputación Provincial de Pontevedra, actuando en virtude das competencias que lle atribúe o artigo 34.1.b) da Lei 7/1985, de 2 de abril, Reguladora das Bases de Réxime Local.

E Dna. Nidia Arévalo Gómez, Alcaldesa-Presidenta do Concello de Mos, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, Reguladora das Bases de Réxime Local.

Ambas partes recoñécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas, e

## EXPOÑEN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 6 e seguintes da Lei 30/92, de 26 de novembro, de Réxime Xurídico das Administracións Públicas e do Procedemento Administrativo Común, 3.c) do R.d.l. 2/2000, de 16 de xuño, artigo 57 da Lei 7/85, de 2 de abril, Reguladora das Bases de Réxime Local e 198 e seguintes da Lei 5/97, de 22 de xullo, de Administración Local de Galicia.

II.- Que a lexislación vixente en materia de Réxime Local encomenda ás Deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, e polo que instrumenta dito convenio dirixido o cumprimento das obrigas impostas pola normativa vixente.

III.- Que a Deputación de Pontevedra, a partir da promulgación da Lei de Cultura Física e Deportes, prestou unha especial atención na promoción de toda clase de deportes, colaborando con todos os concellos da provincia na construción de instalacións deportivas, de modo moi singular campos de fútbol por toda a xeografía provincial. Importante foi, así mesmo, a participación nas instalacións da infraestrutura dos campos de herba natural, labor que se realiza a través dos servizos especializados desta Institución.

IV.- Coa evolución de novas técnicas son moitos os concellos que solicitan axuda desta Deputación Provincial para a construción de campos de céspede artificial.

Isto é así porque este tipo de instalación ofrece unha serie de vantaxes con respecto ós de céspede natural, como son un menor custo de mantemento, maior aproveitamento horario e un uso máis intensivo sen que sufran deterioro, un comportamento similar ó do céspede natural con notables vantaxes de uniformidade, etc.

Hoxe en día, están xa recoñecidos para a práctica deportiva polos Organismos Internacionais correspondentes e de modo singular pola FIFA e UEFA.

V.- Con fundamento en canto queda exposto, e sendo patente a vontade de colaboración das entidades comparecentes, ambas as dúas partes acordan a subscripción do presente convenio, consonte ás seguintes:

## CLÁUSULAS

Primeira.- O obxecto do presente convenio no marco da colaboración entre a Deputación Provincial de Pontevedra e o Concello de Mos é levar a cabo a realización dos seguintes proxectos:

I.- Execución do proxecto de instalación de céspede artificial de última xeración no campo de fútbol de “A Veigadaña”, no Concello de Mos.

Este proxecto comprenderá a realización das seguintes actuacións a nivel construtivo:

- 1.- Realización da obra civil de infraestrutura básica.
- 2.- Instalación de herba artificial e dos seus compoñentes.
- 3.- Instalación do seguinte equipamento:
  - Un xogo de porterías de fútbol once (2 unidades).
  - Dous xogos de porterías de fútbol sete.
  - Un xogo de bandeirolas de córner (4 unidades).
  - Bancos de suplentes (2 unidades).
  - Un marcador.

O importe ascende a contía de 498.678,48 € que serán aboados pola Deputación á empresa adxudicataria con cargo á partida 09/123.452.662.09.2008 do orzamento provincial.

II.- Execución do proxecto de vestiarios e gradas de fútbol por un importe de 200.000,00 € que serán financiados pola Deputación Provincial con cargo á partida 09/911.911.662.09. Esta cantidade foi aprobada polo Pleno da Deputación Provincial en sesión celebrada o día 11 de setembro ó tramitarse o segundo expediente de modificación de créditos, figurando nominalmente para este fin.

Segunda.- O importe total do convenio ascende a contía de 698.678,48 € e comprenderá todos os gastos que se deriven das obras a realizar incluíndo os correspondentes a dirección de obra e de seguridade e saúde e excluídos os honorarios correspondentes a redacción do proxecto.

Terceira.- Á Deputación Provincial de Pontevedra correspóndelle a dirección das obras e instalacións contempladas na cláusula primeira, podendo nomear o Concello un Técnico facultativo para a comprobación material da execución das obras, que non formará parte da súa dirección.

Cuarta.- O Concello de Mos comprométese as seguintes obrigas:

1.- Achegar para a realización das obras comprendidas neste proxecto a cantidade de 124.000,00 €, financiándose dita cantidade en dúas anualidades:

Anualidade	2009	2010	Total
Importe	5.000,00 €	119.000,00 €	124.000,00 €

O concello obrígase a ingresar na Deputación, unha vez formalizado o convenio e antes do comezo das obras a anualidade 2009, un importe de 5.000,00 euros, e a restante cantidade por importe de 119.000,00 euros, no primeiro trimestre do ano 2010, e en todo caso, nos prazos que se sinalen na liquidación que se notifique.

No caso de falta de ingreso desta cantidade ou incumprimento de achegar a documentación requirida, a Deputación poderá reter ou compensar con calquera saldo a favor do Concello que houberse na entidade provincial.

2.- Realizar as obras de adecuación complementarias necesarias para a posta en funcionamento do campo de fútbol, que serán relacionadas, valoradas e conformadas, conxuntamente, por un técnico municipal e outro provincial designados polas entidades correspondentes.

3.- Así mesmo, o Concello comprométese a que as instalacións do campo podan ser utilizadas pola Deputación Provincial, para a celebración de calquera evento deportivo que poida organizar.

O máximo de ocupación por estas actuacións será de cinco días o ano, salvo circunstancias excepcionais.

A petición de utilización do campo para estes eventos deberá ser formulada pola Deputación Provincial, con polo menos quince días de antelación, a fin de coordinar o uso das instalacións.

4.- Dar a adecuada publicidade da subvención obtida en todo os ámbitos de actuación deste convenio.

Quinta.- O incremento da contía máxima estimada na cláusula segunda producida por unha modificación do proxecto inicial, financiarase, polas entidades subscribintes deste convenio, nas mesmas porcentaxes estipuladas nas cláusulas anteriores.

Sexta.- Unha vez concluídas as obras de infraestrutura e instalación de céspede artificial farase entrega ó concello, mediante a formalización dunha acta de entrega.

Coa finalidade de evitar o deterioro que co uso poida sufrir o terreo de xogo, o mantemento e conservación do céspede levarase a cabo, conxuntamente, entre a Deputación e o Concello.

A Deputación aboará a man de obra e a maquinaria necesaria para elo, debendo ó Concello os custos dos materiais de reposición necesarios, (caucho, area, bandas de marcaxe, equipamentos, etc.).

Sétima.- Para o seguimento e control do cumprimento do presente convenio, así como para aclarar as dúbidas que suscite a súa interpretación, constitúese unha Comisión de Coordinación da que forman parte os Presidentes, ou persoas en quen deleguen e un Técnico de cada Entidade Local, que se reunirá dentro do prazo de tres días, a contar dende a petición expresa realizada por calquera delas, na sede do Organismo requirido.

Oitava- O presente convenio entrará en vigor na data do seu asinamento e terá vixencia ata o 31 de decembro de 2010.

A vixencia do presente convenio poderá prorrogarse coa conformidade expresa das partes intervinientes no caso de que non se rematasen as obras obxecto do mesmo.

Novena- O presente convenio ten natureza administrativa, rexéndose polas cláusulas establecidas nel e pola Lei 38/2003, de 17 de novembro, Xeral de Subvención, R.d. 887/2006, de 21 de xullo, polo que se aproba o Regulamento da Lei Xeral de Subvencións, e polo R.d.l. 2/2004, de 5 de marzo.

Así mesmo, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula sétima, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente Convenio por duplicado e a un só efecto no lugar e data reseñada no seu encabezamento.

Pola Deputación Provincial de Pontevedra

Polo Concello de Mos

Asdo. Rafael Louzán Abal

Asdo. Nidia Arévalo Gómez”